

MINISTARSTVO ZDRAVSTVA ZENIČKO-DOBOJSKOG KANTONA

Na osnovu člana 8. Zakona o ministarskim, vladinim i drugim imenovanjima Federacija Bosne i Hercegovine („Sl. novine FBiH“, broj: 12/03, 34/03 i 65/13), člana 105. stav 2. Zakona o zdravstvenom osiguranju („Sl. novine FBiH“, broj: 30/97, 7/02, 70/08, 48/11, 36/18 i 61/22), člana 31. Statuta Zavoda zdravstvenog osiguranja Zeničko-dobojskog kantona („Sl. novine Zeničko-dobojskog kantona“, broj: 11/16 i 9/19) i člana 25. Odluke o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona („Sl. novine Zeničko-dobojskog kantona“, broj: 4/15, 7/15, 11/16 i 5/23) u postupku izbora i imenovanja direktora Zavoda zdravstvenog osiguranja Zeničko-dobojskog kantona, Ministarstvo zdravstva Zeničko-dobojskog kantona objavljuje

JAVNI KONKURS ZA IZBOR I IMENOVANJE DIREKTORA ZAVODA ZDRAVSTVENOG OSIGURANJA ZENIČKO-DOBOJSKOG KANTONA

Objavljuje se Javni konkurs za izbor i imenovanje direktora Zavoda zdravstvenog osiguranja Zeničko-dobojskog kantona.

OPIS POZICIJE

U skladu sa članom 26. Statuta Zavoda zdravstvenog osiguranja Zeničko-dobojskog kantona, direktor Zavoda zdravstvenog osiguranja Zeničko-dobojskog kantona obavlja sljedeće poslove: organizuje rad i rukovodi Zavodom, zastupa i predstavlja Zavod prema trećim licima, organizuje rad i poslovanje Zavoda, kao i provođenje dogovora, sprazuma i ugovora koje je Zavod zaključio, stara se o blagovremenom obezbjeđivanju finansijskih sredstava potrebnih za sprovođenje obaveznog zdravstvenog osiguranja, o njihovoj namjenskoj upotrebi, zakonitom, pravilnom i blagovremenom ostvarivanju prava osiguranih lica, daje naloge za izvršenje finansijskog plana Zavoda i drugih akata Upravnog odbora, stara se o pripremi svih akata i materijala čija je izrada u djelokrugu rada Zavoda, a koje razmatraju i o njima odlučuju organi vlasti, Upravni odbor, odbori i komisije Upravnog odbora i druga tijela obrazovana na osnovu zakona, podzakonskih akata, Statuta i drugih općih akata Zavoda, donosi Pravilnik o unutrašnjoj organizaciji i sistematizaciji radnih mjesta u stručnoj službi Zavoda zdravstvenog osiguranja Zeničko-dobojskog kantona uz saglasnost Vlade Zeničko-dobojskog kantona i Upravnog odbora Zavoda, rješava o pravima iz obaveznog zdravstvenog osiguranja u prvom stepenu, u skladu sa podzakonskim propisima, rukovodi radom stručne službe i donosi stručna uputstva u cilju zakonitog, pravilnog i blagovremenog obavljanja poslova, obrazuje radne grupe za izradu složenih akata i materijala, stara se o pripremi i organizovanju sjednica Upravnog odbora, te odbora i komisija Upravnog odbora Zavoda, sprovodi i organizuje izvršavanje odluka, zaključaka i drugih akata Upravnog odbora i njegovih odbora i komisija, odobrava nabavku materijala i drugih sredstava potrebnih za rad stručne službe u skladu sa finansijskim planom, stara se o ostvarivanju javnosti rada Zavoda, donosi odluke o prijemu i raspoređivanju radnika na poslove i zadatke i druge odluke u skladu sa zakonom i općim aktima Zavoda, vrši i druge poslove koji su zakonom, podzakonskim propisima, Statutom i drugim općim aktima u nadležnosti direktora Zavoda.

U skladu sa članom 29. Statuta Zavoda zdravstvenog osiguranja Zeničko-dobojskog kantona, mandat direktora Zavoda traje 4 (četiri) godine, uz mogućnost ponovnog imenovanja.

OPĆI UVJETI ZA IMENOVANJE

Kandidat za imenovanje na poziciju direktora Zavoda obavezan je ispunjavati sljedeće opće uvjete:

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere (bilo na novou države ili entiteta) u periodu od tri godine prije dana objavljivanja javnog oglasa za upražnjenu poziciju,
4. da se na kandidata ne odnosi član IX. 1. Ustava Bosne i Hercegovine,
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“, broj: 12/03, 34/03 i 65/13),
6. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Sl. novine FBiH“, broj: 70/08),
7. da nema privatni i/ili finansijski interes u Zavodu zdravstvenog osiguranja Zeničko-dobojskog kantona,
8. da nije osuđivan za krivično djelo nespojivo sa imenovanjem na poziciju direktora Zavoda zdravstvenog osiguranja Zeničko-dobojskog kantona, pet godina od dana pravosnažnosti presude, isključujući vrijeme zatvorske kazne,
9. da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

POSEBNI UVJETI ZA IMENOVANJE

Kandidat za imenovanje na poziciju direktora Zavoda obavezan je ispunjavati sljedeće posebne uvjete:

1. VSS, VII stepen stručne spreme, dokaz o završenom visokom obrazovanju Bolonjskog sistema studiranja (240 ECTS bodova) društvenog smjera,
2. 5 (pet) godina radnog iskustva u struci,

DOKAZI

Prijava na javni oglas treba biti potpisana od strane kandidata i treba da sadrži: kraću biografiju, adresu i kontakt telefon kandidata.

Kandidati su obavezni uz prijavu na javni oglas dostaviti originalne dokumente ili ovjerene kopije dokumenata, kao dokaz o ispunjavanju općih i posebnih uvjeta i to:

1. diplomu sa završenim VSS, VII stepenom stručne spreme društvenog smjera ili diplomu o završenom visokom obrazovanju Bolonjskog sistema studiranja (240 ECTS bodova) društvenog smjera. Kandidati koji su visoko obrazovanje stekli po Bolonjskom sistemu studiranja, u skladu sa odredbama člana 54. Okvirnog Zakona o visokom obrazovanju u BiH, obavezni su uz diplomu dostaviti i dodatak diplomi,
2. uvjerenje o državljanstvu (ne starije od 6 mjeseci) ili ovjerenu kopiju lične karte,
3. uvjerenje o radnom iskustvu u struci iz tačke 1. „Posebnih uvjeta za imenovanje“,
4. ovjerena izjava iz tačke 3. 4. 5. 6. i 7. „Općih uvjeta za imenovanje“,
5. uvjerenje nadležnog suda prema mjestu prebivališta, da kandidatu nije izrečena zaštitna mjera obavljanja aktivnosti tri godine od dana pravosnažnosti odluke o izrečenoj zaštitnoj mjeri iz tačke 9. Općih uvjeta za imenovanje.

Dokaz da kandidat nije osuđivan za krivično djelo, nespojivo sa imenovanjem na poziciju direktora Zavoda zdravstvenog osiguranja Zeničko-dobojskog kantona, pet godina od dana pravosnažnosti presude, isključujući vrijeme zatvorske kazne (tačka 8. „Općih uvjeta za imenovanje“), Ministarstvo zdravstva će zatražiti od kandidata kojeg ministrica Ministarstva zdravstva predloži za konačno imenovanje.

Sa kandidatima koji uđu u uži izbor komisija će obaviti intervju. Prije intervjua kandidati su obavezani popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja i dati podatke o ranijim neposrednim rukovodiocima od kojih se mogu zatražiti dodatne preporuke i informacije o kandidatima.

U skladu sa članom 16. Zakona o ministarskim, vladinim i drugim imenovanjima Federacije Bosne i Hercegovine, zainteresirana stranka može podnijeti prigovor na konačno imenovanje. Prigovor se podnosi Ministarstvu zdravstva u roku od 7 dana od dana dostavljanja obavijesti kandidatu o izvršenom konačnom imenovanju, a kopija prigovora se dostavlja Ombudsmenu za ljudska prava Bosne i Hercegovine.

U skladu sa članom 15. Zakona o ministarskim, vladinim i drugim imenovanjima Federacije Bosne i Hercegovine, lični podaci o podnosiocima prijave su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine („Sl. glasnik BiH“, broj: 49/06, 76/11 i 89/11).

Prijave sa traženim dokumentima se dostavljaju lično ili poštom na adresu: **Zeničko-dobojski kanton – Ministarstvo zdravstva, Kučukovići br. 2. 72000 Zenica, sa naznakom: „PRIJAVA NA JAVNI OGLAS ZA IZBOR I IMENOVANJE DIREKTORA ZAVODA ZDRAVSTVENOG OSIGURANJA ZENIČKO-DOBOJSKOG KANTONA – NE OTVARATI“.**

Javni konkurs će biti objavljen na službenoj internet stranici Zeničko-dobojskog kantona, dnevnom listu „Dnevni avaz“ i „Službenim novinama Federacije Bosne i Hercegovine“.

Rok podnošenja prijave na javni konkurs je 15 dana i počinje teći narednog dana od dana objavljivanja javnog konkursa u „Službenim novinama Federacije Bosne i Hercegovine“.

Neblagovremene i nepotpune prijave neće se razmatrati.

